

# Seminar Warisan Nabawi tingkat pemahaman isi kandungan al-Quran

SEREMBAN 17 Ogos – Usaha meningkatkan pemahaman isi kandungan al-Quran untuk dijadikan panduan hidup umat Islam dalam zaman kian mencabar ini terus diperhebatkan menerusi penganjuran Seminar Warisan Nabawi 2010 Universiti Sains Islam Malaysia (USIM), Nilai di sini baru-baru ini.

Seminar dua hari anjuran Fakulti Pengajian Quran dan Sunnah USIM itu dilihat menjadi landasan terbaik bagi 120 peserta yang terdiri daripada ilmuwan dari dalam dan luar negara untuk membincangkan isu serta cabaran dihadapi umat Islam masa kini.

Lebih menarik, penganjuran seminar itu turut dimanfaatkan warga kampus melalui input yang diperolehi hasil pembentangan kertas kerja peserta.

Naib Canselor USIM, Prof. Datuk Dr. Muhammad Muda berkata, hasil dan input seminar tersebut diharapkan dapat diterapkan dan diaplikasikan umat Islam hari ini khususnya di kalangan warga kampus yang berpeluang untuk mengahdirinya.

“Hari ini tiada jalan lain untuk memulihkan gejala ‘mazmumah’ masyarakat dan menyatupadukan ummah selain kembali kepada petunjuk al-Quran dan Sunnah.

“Warisan junjungan besar Nabi Muhammad SAW ini harus digali dan dihayati isi kandungannya agar tamadun Islam terus maju tanpa dipinggirkan,” katanya ketika berucap pada perasmian seminar tersebut yang disempurnakan Menteri di Jabatan Perdana Menteri, Datuk Seri Jamil Khir Baharom.

Sebanyak 110 kertas kerja dibentangkan dan ia turut disertai beberapa penulis dan ulama terkenal seperti Dr. Muhammad Taufik Ramadhan Al-Buti, Prof. Dr. Abdul Jaber Thabit Faraq dan Datuk Dr. Raja Abdullah Raya Yaacob.

Sementara itu, Jamil Khir ketika berucap berkata, umat Islam masa kini berhadapan dengan banyak cabaran terutama dalam soal paduan.

“Dewasa ini banyak cabaran yang memecahkan serta meretakkan keutuhan umat Islam



**JAMIL Khir Baharom menyampaikan cenderahati kepada salah seorang peserta pada majlis Seminar Warisan Nabawi 2010 di Universiti Sains Islam Malaysia (USIM), Nilai, Seremban, baru-baru ini.**

dan ini sekali gus mendesak ummah untuk kembali ke pangkal jalan dengan memahami isi kandungan al-Quran dan Sunnah.

“Oleh itu, saya berharap agar hasil pembentangan dari seminar ini dapat diterapkan dalam bentuk praktikal seterusnya diaplikasi oleh umat Islam di negara ini secara ber-

terusan,” jelasnya.

Tambahnya lagi, melalui penganjuran seminar sedemikian, ia juga diyakini dapat memberikan cambahan pemikiran, penetapan hala tuju serta gagasan dalam membentuk umat Islam yang progresif di zaman yang kian mencabar ini.